**NÚMERO 18** FEVEREIRO 2010







#### NO ENTRUDO, NÓS SOMOS VERDADEIRAMENTE NÓS

O Entrudo é umha das festas mais esperadas, e nom é por acaso. É nesta época, e muitas vezes só nesta época, que nós podemos ser quem realmente somos, ou quem queremos ser. É quando podemos fazer o que o resto do ano nom nos é permitido. Pomos a máscara e ocultamo-nos -ou exibimo-nos, segundo se considerar-e lançamo-nos ao prazer de viver.

#### AMEIXEIRAS POSTREGRESIVISTA

Este mês, o convidado ao nosso espaço literário é o escritor Diego Ameixeiras, quem nos achega um relato que decerto nom nos há deixar indiferentes. Alguns dos ingredientes desta ementa som a encomenda de um editor, o achado de um tesouro inesperado e um movimento literário ad hoc, o postregresivismo.

#### RADIOGRAFIA DE ARANGA

Na secçom de Geografia entrevistamos Santiago Fernandes, natural de Aranga e membro da Associaçom Cultural Fervenças que trabalha a zona. Graças à conversa com ele aproximamo-nos de umha das comarcas mais desconhecidas da Galiza interior, ao seu passado mais imediato e à conservaçom do seu património natural.

**TEMPOS MODERNOS** 

# O desejo da máscara

Xavier Viana

Entrudo, para muitos de nós, é a festa mais esperada de todas quantas celebramos ao longo do ano. Por intensidade, por duração e por tantos rituais construídos nas suas celebrações durante anos, mesmo séculos, sobrevivendo aos obscenos destinos que os séculos XIX e XX nos concederam. Porque as mascaradas, é dizer, a construção simbólica de personagens ou objetos, é algo compartilhado pelas múltiplas e diversas culturas que o homo sapiens teve a bem desenvolver desde o amanhecer dos tempos. Mas, em essência, o Entrudo é festa.

E a festa encaminha-nos ao paraíso, achega-nos o desejo, permite-nos a emoção e a fascinação, enche-nos de satisfação e paixão, quebra a monotonia e, fundamentalmente, reforça os valores solidários da comunidade. A substituição dos modos de vida tradicionais por um modo de vida moderno e civilizado como consequência do despovoamento massivo das áreas rurais tem como resultado uma transformação, entre outras, das representações coletivas que existem na nossa sociedade. Assim, o Entrudo de

Vigo ou da Corunha nada tem a ver com o Entrudo que se celebra, por exemplo, em Vilarinho de Conso ou nas paróquias ribeirãs de Chantada. São coisas bem diferentes, embora tenham o mesmo nome. São diferentes porque as necessidades e a compreensão do mundo não são as mesmas entre quem habita as cidades que entre quem habita as aldeias. Para uns, o Entrudo é espetáculo e bailes de disfarces e, para os outros, o Entrudo é uma celebração que prima a desordem e a violência fugazes para fortalecer as relações entre vizinhos e suavizar as tensões e os conflitos. Seja como for, qualquer Entrudo é uma demonstração da criatividade imaginativa da comunidade. Porque nada é aleatório, ainda quando tudo sejam brincadeiras. Cada uma das cerimónias, objetos ou personagens que fazem a sua aparição durante os dias mágicos (Domingo fareleiro, Domingo lambedoiro ou oleiro, Domingo corredor, Quinta de compadres, Quinta de comadres, Sábado, Domingo, Segunda ou Terça de Entrudo) tem um significado. Significado que faz sentido, como é lógico, apenas no seu contexto. São os saberes práticos da tribo.

Comemos a fartar, bebemos até encher e saímos festejar às ruas ou às corredoiras vestidos como nos apetece (ou do que nos corresponde) para mostrar sentimentos que ordinariamente

Comemos a fartar, bebemos até encher e saímos festejar às ruas ou às corredoiras vestidos como nos apetece para mostrar sentimentos que ordinariamente seriam uma ameaça para a ordem social

No Entrudo, celebramo-nos e interpretamo-nos a nós mesmos, expressamos o nosso jeito de ser e de sentir, defendemos o prazer de viver seriam uma ameaça para a ordem social. No Entrudo, celebramo-nos e interpretamo-nos a nós mesmos, expressamos o nosso jeito de ser e de sentir, defendemos o prazer de viver, formulamos as nossas crenças e criamos vínculos de identificação paroquial, vilega ou urbana.

Então por que teimamos em celebrar o Entrudo longe dos nossos vizinhos?

Se por curiosidade académica ou por ânsias

de troula formos a Ginzo ver as pantalhas, a Viana do Bolo ver os boteiros, a Laça ver os peliqueiros, a Salcedo ver o urso, a Sarreaus ver o vergalheiro ou a muitos outros lugares, viremos impressionados de tanta representação que nos aproxima à origem mesma da sociedade. Mas é na nossa comunidade, com a nossa gente, onde temos a oportunidade perfeita para criar, inventar, reinventar, satirizar, adaptar, os costumes e as normas, porque essas são as que conhecemos e compreendemos, e por-



o Entrudo é um foro ideal para quem pretende mudar o status quo das coisas.

Agora que as práticas carnavalescas durante as moinhadas, as fiadas, as esfolhas... desapareceram no nome do progresso, da razão e da ciência estamos na obriga de conservar aquilo que resiste. Temos a responsabilidade histórica de evitar a desaparição definitiva das criações culturais construídas com o maior dos entusiasmos.

Viva o Entrudo!



GEOGRAFIA

SANTIAGO FERNANDES, MEMBRO DA ASSOCIAÇOM CULTURAL FERVENÇAS

# "O PP leva desde a sua fundaçom em Aranga umha política completamente destrutiva com o meio"

Maria Álvares

egundo dados da Comissom pola Recuperaçom da Memoria Histórica, Aranga é o concelho rural da Galiza com mais vitimas retaliadas durante o franquismo; em muitas fossas comuns do concelho encontram-se os corpos de vários combatentes da Quarta Agupacom do Exército Guerrilheiro que tivo umha presença mui destacada na zona. Do ponto de vista do património natural, a situaçom de Aranga, entre a Terra Chá e a Marinha betanceira, oferece-nos formosos vales, onde se podem encontrar ainda algumhas fragas autóctones que resistem a acçom humana. Destaca a fraga do Mandeu, rodeada de impressionantes fervenças e moinhos, mas mui castigada polas minicentrais construídas na actualidade. Estas fragas oferecêrom refúgio durante anos aos guerrilheiros e fugidos durante o franquismo. Santiago Fernandes, natural de Aranga e membro da Associaçom Cultural Fervenças que trabalha a zona, achega-nos umha das comarcas mais desconhecidas da Galiza interior.

#### O concelho de Aranga é o concelho rural da Galiza com mais vitimas retaliadas durante o Franquismo e a guerra civil, isto porquê?

Nom existe umha explicaçom clara, mas a sua situaçom pode que seja a explicacom deste facto. Ao ser atravessado pola N-VI, principal via de comunicacom entre Corunha e Lugo, por ela circulariam as pessoas detidas, destino das cadeias provinciais destas cidades, ainda que muitas vezes assassinavam-nas já aqui para dificultar a sua busca aos familiares. Além disso, a presença de guerrilheiros na zona também pode explicar estes assassinatos, para amedrontá-los ou como "avisos".

#### De quantas vítimas estaríamos a falar, que se tenha constância?

Segundo o Registo Civil de Aranga, até o ano 1949 foram anotad@s cerca de 50 falecid@s, ainda que há constância de pessoas enterradas sem passar polo Registo Civil, num número indeterminado, que poderia ser mui superior segundo algumhas testemunhas. Além disso, sabese que era umha prática muito habitual deitar @s retaliad@s no rio Mandeu. A ponte da Castelhana era um lugar onde se praticavam muitas destas execuçons e muitos corpos de retaliad@s neste ponto nom se teriam encontrado nunca por ir directamente para o mar.

#### E a que se deve segundo o investigado até agora?


Muito especialmente à situaçom, crêse que para evitarem ser identificados falangistas da zona de Lugo iriam à Corunha ou Betanços a recolherem detid@s que depois seriam assassinad@s polo caminho, entre a Costa do Sal e Guitiriz; o mesmo aconteceria à inversa, com falangistas de Betanços

das associaçons que existem na actualidade em Aranga é fazer trabalho de base sobretodo ao nível cultural"

e arredores indo para Lugo. Mas isto é apenas umha teoria.

Além disso, estamos a falar dumha zona de muita presença dos guerrilheiros que combatêrom o Franquismo, concretamente da Quarta Agrupaçom, a mais activa nesta altura. Por que é assim e

"O objectivo principal



#### quanto tempo estariam nos montes da comarca?

A actividade de guerrilheiros na comarca é muito destacada: aqui procurariam refúgio nas fragas e montes, para além de ser zona de passagem em direccom às fragas do Eume onde estariam os grupos que actuavam em Ferrolterra e

No ano de 1951, o PCE decide deixar a luita das guerrilhas ainda que ficárom muitos que resistirom algum tempo mais, já mais por sobrevivência própria que pola luita. Em 1952 seria detido Foucelhas e condenado à morte, sendo praticamente o fim desta agrupaçom.

Além disso, está registado o soterramento numha fossa comum de vários guerrilheiros desta agrupaçom num cemitério da zona; de quem se trata e quando foi a sua morte, por que ocorreu?

Na igreja de Sam Vicente de Fervenças descansariam numha fossa comum os corpos de Marrofer, o tenente Feixoo e Doldán, os três guerrilheiros abatidos nunha emboscada da Guarda Civil juntamente com possíveis elementos falangistas. Crê-se que esta emboscada ocorreu por umha delação dum vizinho. Os guerrilheiros acostumavam refugiar-se em casas de vizinhos, em alpendres, cortes... Oficialmente só fôrom três os guerrilheiros mortos, ainda que, segundo outras fontes, puiderom ser quatro. Na fossa do cemitério de Vilarraso sabe-se que também há outro guerrilheiro soterrado.

Ainda que se trata dumha zona com um importante património ambiental, especialmente a área do rio Mandeu, vê-se completamente abandonada...

O motivo principal deste abandono é o desconhecimento da zona da própria administraçom local.

O PP leva desde a sua fundaçom em Aranga umha política completamente destrutiva com o meio. A prova deste desinteresse foi a construcom da minicentral da Castelhana que significou a destruiçom de grande parte das fragas do Mandeu e danos importantes no rio, apesar de estar declarado como zona protegida.

#### Qual é o trabalho que está a desenvolver Fervenças na comarca e os objectivos desta associaçom?

A associaçom de Fervenças, que nasce em 1997, assim como outras do concelho, trata de dinamizar cultural e socialmente a comarca, com um apoio quase nulo da Cámara Municipal, como acostuma ser habitual, especialmente no caso da nossa associaçom.

O objectivo principal das associaçons que existem na actualidade em Aranga é fazer trabalho de base sobre todo ao nível cultural, muito especialmente tratando-se dumha comarca do interior e com mui pouca populaçom nova. Nestes momentos, está-se a trabalhar numha federaçom de associacons. Umha das actividades a realizar e a festa do Entrudo com um iantar popular e a recuperaçom de jogos tra-

Também temos marcado para os próximos meses umha série de actos e conferências com a CPRMH sobre a repressom em Aranga. Além disso, faremos um roteiro para assinalar as fossas comuns das que temos constância ou os lugares habituais de passamentos na zona: a Costa do Sal, a ponte da Castelhana ou os cemitérios de Vilarrasso ou Sam Vicente de





#### **CRIAÇOM**

No pólo oposto das construçons faraónicas vazias de conteúdo e das homenagens florais descontextualizadas, está a criaçom. No Novas da Galiza pensamos que o verdadei-

ro activo cultural do nosso país som os galegos e galegas, e com essa ideia inauguramos este espaço de criaçom. Com cada novo número achegamos um texto literário para gozarmos das nossas letras, num projecto em que todos e todas estades convidados a participar. Escreve para **literaria@novasgz.com**.

epois de ganhar um Prémio Xerais (*Tres segundos de memoria*, 2006) e publicar vários romances na mesma editora (o último, *Dime algo sucio*, acaba de saír do prelo), Diego Ameixeiras arriba a esta secçom de criaçom com um relato inédito que nom nos há deixar indiferentes.

# NO.LINATE OF THE PARTY OF THE P

## Lírica postregresivista

morte de Toni Wardrop afectou-me muito. Nom voltei a ser o mesmo desde que soubem que o seu cadáver aparecera esquartejado num contentor do lixo. Unha manhá recebim a chamada do seu editor. Queria encarregar-me a tarefa de reunir a sua obra póstuma. Aceitei ao momento. Era um privilégio poder estudar todos os seus poemas e converter-me no maior especialista na sua obra. Estava seguro, como toda a crítica, de que *A máquina decoradora*, *Sartegos e O braile do detonador* eram livros de poemas magníficos, mas também de que entre os seus inéditos poderia descobrir autênticas jóias literárias.

Umha semana mais tarde, apresenteime na sua casa. Sabia que ia ser mui duro, mas que pagaria a pena. A sua mai nom parou de chorar durante o tempo que estivemos a falar. Abracei-a. Confessou-me que nunca poderia superar a morte da filha. Pensei que era certo. A vida é assim mesmo, dura, um milhom de golpes. A mulher perdera vários quilos e tinha a olhada dum animal doente. Deu-me o computador portátil de Aurora e dixo-me que era possível que nalguns cadernos houvesse poemas manuscritos sem passar a limpo. Voltaria outro dia por eles, quando os tivesse localizado.

Sentia unha enorme emoçom. Estar a piques de descobrir as obras póstumas de Toni Wardrop mesmo mitigava a dor que sofria pola sua ausência. Era como se continuasse a respirar entre todos nós. Estava morta, mas sempre seria o referente intelectual do grupo. A poeta que nos descobrira Anne Sexton e Marina Tsvietáieva quando só tínhamos quinze anos.

De volta na casa, liguei o computador e localizei umha pasta onde guardava três livros de poemas. Mulheres de Seattle era um formoso canto à nostalgia grunge cheio de referências culturalistas. Vinte longos poemas em que evocava os anos que vivera em Capitol Hill. Vampiros em fila indiana era umha colecçom de pensamentos breves em cujos paradoxos se distinguiam ecos do budismo Chan. Um grande exercício de concisom poética em que demonstrava o seu conhecimento das cosmogonias orientais. A leitura do terceiro livro provocou-me um impacto emocional como nunca podia ter imaginado. Era, sem nengumha dúvida, a sua obra definitiva. Um livro de poemas de beleza fulgurante que superava qualquer dos seus outros livros publicados em vida. Silabário contra os últimos desertores continha todas a suas obsessons poéticas - mulher, soledade, sexo revestidas dumha força hipnótica e tremendamente subversiva. Ninguém poderia ficar indiferente ante aquele maravi-



"Sentia umha enorme emoçom. Estar a piques de descobrir as obras póstumas de Toni Wardrop mesmo mitigava a dor que sofria pola sua ausência. Era como se continuasse a respirar entre todos nós"

lhoso catálogo de emoçons. Chamei imediatamente o seu editor e comuniquei-lhe a existência daquele tesouro poético. Eu continuava comovido, mas surpreendeume a frialdade com que recebeu a notícia. Sabia daqueles poemas desde que Toni

Wardrop lhos enviara dez anos atrás, mas nunca quigera publicá-los. Pareceram-lhe insípidos e pretensiosos. Um passo atrás na sua carreira poética. Devia destrui-los, eram impróprios dumha escritora que com Sartegos modificara o rumo da poesia contemporánea.

Unha semana mais tarde, o corpo do editor apareceu esquartejado num contentor do lixo. Afectou-me muito declarar perante a polícia. Nom voltei ser o mesmo. O ano passado publiquei o meu primeiro livro de poemas, *O cárcere e a máquina de fabricar pássaros*, um texto que contém todas a minhas obsessons poéticas – mulher, soledade, sexo – revestidas dumha força hipnótica e tremendamente subversiva. A crítica enquadra-me dentro do *postregresicismo*, movimento poético fundado por Toni Wardrop e cujos componentes estamos pendentes de julgamento perante um tribunal que nom reconhecemos.



### A FOTO

Xela Rodrigues

qui estám, na quinta manifestaçom pola defesa do ensino em gal desde o 1 de Março. Foi no 21 de Janeiro, em Compostela. Era dia laborável, mas juntárom-se dúzias de milheiros de egos e galegas para demandarem um ensino na sua língua. 33% nom é abondo numha língua esquecida na maior parte dos ámbitos da sociedade. El leva um guardachuvas em alto, e nel chantada a sua reivindicaçom: Eu (coraçom) ensino em galego. Ela amarra um seu bolso ao seu carom e, parados os dous no meio do passeio, aguardam a que chegue a cabeça da manifestaçom que umha hora depois havia encher a Praza do Obradoiro. Nom andam na idade de conhecer o ensino trilíngüe, mas de seguro sabem o que é aprender num modelo de ensino que esqueceu, deturpou e foi xordo durante décadas à nossa língua. Chegárom a Compostela cedo, de manhá, numha quinta-feira, e figérom parte, com crianças, rapazes e raparigas, e outros homens e mulheres, dumha vaga de gente que se amoreou nas ruas para fazer ver que a improvisaçom política nom se pode arreponher à parte da nossa identidade como povo.



LÍNGUA NACIONAL

# Sobor da estrategia

Valentim R. Fagim


o e-mail que enviei à equipa correctora do Novas, pedim-lhes para deixar o título tal como está. Hoje vou quebrar umha regra nascida de vários anos a escrever artigos sobre língua: focar a atencom na correcçom do código. Esta regra nasceu por dous factos. O primeiro é que, em geral, o pessoal se molesta e até se desmotiva quando ressaltam os seus erros e, muito mais importante, porque a imperícia no código é um indicador do vigor social de umha língua num dado território. Por outras palavras, se há que corrigir qualquer cousa, é melhor começar polas origens. Ou como recomendam na Teoria de Gestom de Grupos: duro com o problema e mole com as pessoas.

Neste Língua Nacional queria centrar-me sobre a natureza dalguns erros. Nom interessam

agora os que surgem directamente do facto de o castelhano ser a língua socialmente dominante. os castelhanismos, e que som a imensa maioria. Há um outro tipo de erros que acho mais atractivos. Os textos da literatura galega estám repletos deles: sobor. oficinha, estrano, crás, rubidoiro, televejo, semá. O esquema é assim: umha dada palavra é comum com a correspondente castelhana e tenta emendar-se a falta. Todos eles tenhem em comum surgirem da vontade de língua, o que os torna erros ami-

Recentemente estám-se a divulgar uns outros erros maravilhosos porque colocam um novo esquema sobre a tabuleiro. Som hipercorreções baseadas nas variedades da nossa língua que som hegemónicas socialmente. É o caso da palavra ESTRATEGIA. Dado que as palavras portuguesas academIa, alergIa, anemIa, epidemIa... som em castelhano acentuadas no E, as pessoas generalizamos esta regra e inventamos estrategias, um indicador claro de que escorregamos na direccom certa.

É a estratégia da estrategia!



#### CINEMA PARA PENSAR

## Retorno a Hansala

#### Francesco Traficante

om vários os filmes espanhóis que tenhem tratado o tema dos imigrantes. Filmes como este som mui oportunos, e mais agora que a direita mais rançosa está a falar do tema de umha forma irresponsável criando ódio e desconfiança. E o pior é que seja por arrancar uns votos apelando às mais baixas vísceras de certo sector da populaçom. Este filme vem-nos lembrar umhas quantas cousas. Da autoria da directora andaluza Chus Gutiérrez, obtivo o prémio especial do júri na Seminci de Valhadolid em 2008. À diferença da maioria das propostas cinematográficas sobre este tema, cuja abordagem é quase sempre desde a vida dos imigrantes umha vez chegados à Europa, ou tentando chegar à Europa (disto último um bom exemplo é o filme '14 quilómetros"), "Retorno a Hansala" fai-nos pensar nas causas da vinda destes emigrantes patenteando sem dramatismos nem frivo-

e a desesperança em que vivem nos seus países. Com motivo da repatriaçom do cadáver de um adolescente marroquino afogado no mar tentando cruzar o Estreito de Gibraltar, o dono de umha funerária acompanha a sua irmá, imigrante já com papéis. No caminho imos indo através de Marrocos até chegarmos à aldeia dos dous irmaos, e ali é onde o espanhol sofrerá umha transformaçom paulatina. Partindo da sua fixaçom por cobrar os três mil euros que custava o transporte do cadáver e a caixa, acabará por renunciar ao dinheiro comovido tanto pola solidariedade entre todas as famílias da aldeia para juntarem o dinheiro como por se decatar da sua precariedade material e vital, onde só o sentido de comunidade permite que as pessoas queiram seguir adiante. Mas a desesperança de que qualquer possibilidade de progresso e melhora se dê num país onde a gente está absolutamente abandonada por um governo e um rei milionários contrasta gritantemente com a pobreza generalizada dos seus súbditos, que nom cidadaos.



A técnica que usam os ladrons é a mesma que levam usando galegos de toda a vida nas nossas próprias estradas

num país onde a democracia é pura ficçom. A figura do menino da aldeia que tenta emigrar custe o que custar, os gestos de amabilidade e a colaboraçom sincera da gente da aldeia para tentar resolver-lhe os problemas; mesmo a inocência das perguntas da mai do falecido som elementos que farám nom só que se transforme o protagonista, mas também o ajudem a tomar umha decisom relativamente ao seu matrimónio, já roto desde há algum tempo, quando aprende a relativizar mesmo os problemas que podamos ter na nossa sociedade da opulência. Quando volvemos com eles às costas andaluzas e vemos novos cadáveres de imigrantes no tanatório, a nossa olhada já mudou. E isso acontece porque os sentimentos só podem ser verdadeiros quando os mortos deixam de ser umha simples nova do jornal, umha cifra, para converterem-se em pessoas de carne e osso com que temos falado ou som familiares de imigrantes com que convivemos. A convivência e o respeito som as melhores ferramentas para a integraçom das pessoas que

venhem trabalhar para o progresso das nossas sociedades. Essa é outra das mensagens que o filme nos deixa. O mínimo que podemos e devemos fazer é facilitar o seu recenseamento para que tenham direito à saúde e à educaçom, mais comparado com o seu contributo para as nossas sociedades: rejuvenescer a nossa populaçom garantindo as nossas pensons no futuro, fazer os trabalhos mais duros, cuidar dos nossos velhos, fazer umha sociedade mais rica culturalmente. Os delinguentes estám em todo o lado. e para isso também o Estado tem sobradas armas para pará-los. O episódio no filme do assalto à furgoneta fai-nos ver que o fenómeno tem menos a ver com a emigraçom e mais com outros factores. De facto, a técnica que usam os ladrons é a mesma que levam usando galegos de toda a vida nas nossas próprias estradas, ainda nestes últimos anos. E nom som imigrantes. Fazer demagogia culpabilizando a imigraçom da nossa crise é um argumento falaz e perigoso. Filmes como este ajudam